

Parisimi isumaqatigiisummut Kalaallit Nunaata nunatut nangaassuteqarnerata atorunnaarsinneqarnissaa pillugu tusarniaanermut akissuteqaat

Kalaallit Nunaata Parisimi Isumaqatigiisummut nunatut nangaassuteqarnerata atorunnaarneqarnissaa pillugu aalajangiinissamut siunnersuut pillugu tusarniaanermi akissuteqarnissamut periarfissinneqarnerput Air Greenlandimiit qujassutigaarput.

Air Greenlandimit malugisimavarput nunarsuarmi nunat amerlanersaat Parisimi Isumaqatigiisummut ilanngussimasut, pissusissamisoorsorinarporlu Inatsisartut Kalallit Nunaat Parisimut Isumaqatigiisummut ilanngutissanersoq isummissappata.

Taamaattoq pingaartuuvoq eqqaassallugu tusarniaassummi nunatut ataasiakkaatut anguniakkani Kalaallit Nunaata mingutsitsineq annikillisarniarlugu iliuusissatut tapersiissutissaasa (NDC-p) iluanni, inuiaqatigiit kalaallit inuussutissarsiortullu iliuusissaannut alisinnerusoq isigalugu ineriartornissaannut naapertuutissasut.

Inuussutissarsiortunut aningaasarsiornikkut allaffissornikkullu sunniutaasussat

Parisimi Isumaqatigiisummut ilanngunnermi inuussutissarsiortunut tamanna qanoq siumut sunniuteqassanersoq eqqaaneqanngimmat, immikkoorutilimmik periarfissaqarpugut nuna tamakkerlugu mingutsitsinermik annikillisaanissamut pilersaarutit inuussutissarsiuteqartut inuiaqatigiillu ineriartornissamut pisariaqartitaannut nalimmassaanissamut.

Mingutsitsinissaq annikillisarniarlugu tapersiissutissat aalajangerneqarnissaat pinngitsoorani soorunami akunnattoorfeqartussaapput, tamanna pillugu pingaartuuvoq iliuusissat alisissoq isigalugu qanoq sunniuteqassanersut qimerloorneqassappata, qanoq ilinikkut inuiaqatigiinnut silaannaallu pissisianut kinguneqarluarsinnaanerusut qimerloorlugit.

Air Greenlandip takornariaqarnerup iluani ineriartornissaq pimoorullugu ingerlanniarpaa, sammisaqarfimmilu tassani pingaaruteqarpoq Kalaallit Nunarput piujuartitsinissamik pingaartitsisutut ornitassaqqissutut avammut nittarsaatissagutsigu. Innaallagialu atorlugu nukissiuteqarnermik piumasaqaatit, carbon offset (nukissiuutit mingutsitaat suliniutit allat aqutigalugit annikillisaqataaneq) atorlugu aqqissuussineq, ikummatissat piujuartitsinissaq eqqarsaatigalugu suliat atorneqartalernissaannut piumasaqaateqarneq il.il. taamatut piumasaqarnermut ilanngunneqarsinnaapput. Tamanna pillugu Air Greenlandip pissusissamisoorsoraa Kalaallit Nunaata mingutsitsinermik annikillisaanissamut tapersiissutissat Air Greenlandip Kalaallillu Nunaata takornariaqarneq pillugu ineriartortitsinissamut kissaataannut naapertuutissappata. Air Greenlandip, Kalaallit Nunaanni suliffissuit allat assigalugit, nunarsuarmi annikillisaqataaanissamut anguniakkat, mingutsitsinnginnissamullu ilapittuutissat ulluinnarni ingerlatsinerminni iliuuseqarfigisassatut pilersaarusiornerninnut atuuttussanngortereersimavai.

Tamanna pillugu Air Greenlandip siunnersuutigaa inuussutissarsiutillit tamarmik Kalaallit Nunatta mingutsitsinermut annikillisaanissaa pillugu sulinermi qanimut akuutinneqassasut, soorlu takornariaqartitsinerup iluani piujuartitsinissap tungaanut saannissamut periarfissat qulakkeernissaat annerpaamillu atorluarnissaat eqqarsaatigalugu, pisariaqanngitsumik inuussutissarsiortunut allanut Kalaallit Nunaanniittunut aporfilersuinngitsumik. Taamatut periuseqartoqarpat suliniutinut allanut kalluaasussaagaluit sillimaffiginngisat pinngitsoortinneqarsinnaassapput, inuiaqatigiittullu tamakkiisumik suliniutit tamatsinnut iluaqutaassapput.

Naggasiut

Qulaani oqaaserineqartut atorlugit Air Greenlandip Parisimi Isumaqatigiisummut nunatut nangaassuteqarnerup atorunnaarsinnissaanut siunnersuut tapersersorpaat. Taamatuttaaq Air Greenlandimit qilanaarpugut nuna tamakkerlugu mingutsitsinerup annikillisarneqarnissaanut suliniutinut peqataasalluni Kalaallit Nunaata mingutsitsinerup annikillisarneqarnissaa siunertarlugu suliniuteqarnermut.

Nuuk 23/2-2022

Jacob Nitter Sørensen

Air Greenland

Air Greenland A/S Postboks 1012

3900 Nuuk

Greenland